



Greenlands Airports A/S
Qeqertanut 1, 3. etage
Box 2000
3900 Nuuk
Att.: Morten Thrane

Nuummi mittarfiup allineqarneranut atatillugu ikuallattoornissamut sungiusarfiup pilersinneqarnissaanut ASN-imut suliami allannguutissatut nalunaarutip misissuiffiqineqarnerani aalajangiineq

Pinngortitamut Avatangiisinullu Naalakkersuisoqarfiup (matuma kingorna Naalakkersuisoqarfiup) 23. septembri 2025-mi ASN-imut nalunaarummi¹ ilanngussaq 3 naapertorlugu "Nuummi Mittarfiup allineqarnera" pillugu ASN-imut suliap allannguutissatut nalunaarut Greenland Airports A/S-imiit (Greenland Airports) tiguaa.

Greenland Airports-ip 23. januaari 2024-mi ikuallattoornermut sungiusarfimmik pilersitsisoqarnissaa nalunaarutigaa, tassungalu tunngatillugu Greenland Airports-ip 14. maaji 2024-mi aalajangiinnermut allakkiaq, suliaasap allannguutaata ASN-iliornissap pisussaaffeqarfiunnginneranik naliliineq pillugu aalajangiiffusoq Naalakkersuisoqarfimmiit tiguaa. Tassalu suliamut allannguutissatut nalunaarut Nuummi Mittarfiata allineqarneranut atatillugu ikuallattoornissamut sungiusarfimmik pilersitsinnermut nuussinermullu tunngasuuvuq.

Tunngavigisaaq

1. marsi 2019-imi Nuummi Mittarfiup allineqarnissaanut ASN Naalakkersuisunit akuerineqarpoq. Mittarfiup allisap ingerlanneqarneranut atatillugu ikuallattoornissamut sungiusarfimmik pilersitsinissaq pisariaqarpoq, tak. Angallannermut Aqutsisoqarfiup malittarisassiai "*Ikuallattoornermut annaassiniarnermullu aalajangersakkat 3-9*".² Malittarisassani ilaatigut allassimavoq, mittarfimmi allisami "*Qatserisartut annaassiniartartullu sungiusarfimmik, suliaasanut sungiusarnissamut atugassanik peqartussaasut*", tak. imm. 8.5. Nalunaarummi allassimavoq, ikuallattoornissamut sungiusarfiup pilersaarusiorneqarnerani mittarfinnut 8-9-nik qaffasissusilikkanut piumasaqaatit malinneqartussaasut, taakkunungalugu ilaatigut timmisartut 76 meterit tikillugit takissusillit aamma 7 meterit tikillugit silissusillit ilaatinneqarput.

Allakkap ullua: 05-11-2025
Sulap normua: 2023 - 7444
Allagaatip ilisarnaataa:
25886104

Postboks 1614
3900 Nuuk
Oqa. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinnermut akiliutit pillugit Namminersorlutik Oqartussat nalunaarutaat nr. 5, 27. marts 2015-imeersoq

² <https://www.trafikstyrelsen.dk/media/13689/BL%203-9%20om%20brand-%20og%20redningstjeneste.pdf>

ASN-imut nalunaarummi allassimavoq, ikualattoornissamut sungiusarfik pingaarnernik marlunnik immikkoortoqartussaasoq: Qatserivik qajannaarsukkamik allequtalik, imermut errortuutikumut katersuivimmik/tasinngortamik kinguartitsisartumik, aammalu tankimut imermik qatserutissamik imalimmut nunamut assaatamut ruujorilerlugu sanaameqartoq. 2) Atortut motoorillit atorlugit annaassiniarnissamut sungiusarnissamut sungiusartarfik.

Imermut errortuutikumut katersuivik pilersaarusiorneqartoq katillugit 273,71 m³-nik imaqarsinnaassaaq. Sungiusarfissat silaannaap tungaanut ungalut tunuanni sananeqassapput – tassalu mittarfimmi suliaqarfiusupiluani. Sungiusarfissat silaannaap tungaaniit toqqaannartumik tikiqqarsinnaasunngorlugu sananeqassapput, taamaalillunilu qamutit assakaasullit qatserinermut annaassiniarnermullu atortussat, taakkunungalugu qapunnik qatserutit ilanngullugit, mittarfeqarfimmiit sungiusarfimmut pisinnaassallutik.

Naalakkersuisoqarfimmiit naliliinermi avatangiisini pissutsit uku immikkut eqqumaffigineqarput:

- Sungiusarnernut atatillugu akuutissanik kemikalianillu assigiinngitsunik atuineq, taakkununga ikuallattumik aallartitsinermut qatserinermullu atorineqartut ilanngullugit.
- Imermut errortuutikumut katersuivik/tasinngortaq kinguartitsisartaq taaneqartoq
- Imermik errortuutikumik passussineq piiaanerlu, tassunga erngup errortuutip uuliat kemikaliillu akorisinnaasai.

Aalajangiineq

Ikuallattoornissamut sungiusarfimmik pilersitsiniarnermi suliaassamut allannguut ASN-imut nalunaarut naapertorlugu ASN-iliortussaataitanermut tunngaviliinngilaq.

Aalajangiinermut tunngaviusoq

Ikuallattoornissamut sungiusarfiup pilersinneqarnissaanut “Nuummi Mittarfiup allineqarnissaa” pillugu ASN-imut suliamut atatillugu Greenland Airports-ip suliaassamut allannguutissatut nalunaarutaa, suliaassap allannguutissaata avatangiisinut sunniutissaatut naatsorsuutigisat naliliiffiginarlugit misissorneqarput.

Mittarfiliorneq sanaartugaavoq ASN-imut akuerineqarsimasoq, taamaattumillu suliaassamut allannguutissaq ASN-imut malittarisassat malillugit suliaassamut allannguutissat imminnerminni ASN-iliortussaataaffiunersut naliliiffiginarlugit nalunaarutigineqartussaapput, tak. ASN-imut nalunaarummi § 5, imm. 2. Ikuallattoornissamut sungiusarfissap inissinneqarfissaa ingerlanneqarfissaalu suliaqarfimmi, ASN-imut nassuiaammik suliarineqarsimasumi, aammalu ASN-imut akuersissummi malittarisassiuunneqarsimasumi inissisimavoq.

Ukiopassuarni Nuummi Mittarfimmi ikualattoornissamut upalungaarsimanermullu sungiusartoqartarsimanera Naalakkersuisoqarfiup

aalajangiinnermini pingaartippaa. Taamaattumik upalungaarsimasut kemikalianik ikuallassinnaasunik uulianillu akulinnik kuisoornernik isumagisaqarnissaq sungiusimavaat. Naalakkersuisoqarfiup iluarisimaarlugu maluginiarpaa, siunissami qapuit PFOS/PFAS-inik akoqanngitsut, Naalakkersuisoqarfimmit akuerineqarsimasut atorneqartarniarmata.

Imermut errortuutikumut katersuivissatut pilersaarutigineqartup imartunera peqqutigalugu, sungiusarnissaq sioqqullugu kukkusumik tanki katersuivik imaarneqanngikkaluarpalluunniit, qatserinnermi imeq kuutsinneqartoq qatserutikumut katersuivimmi unitsinneqarsinnaalluassaaq. Nalunaarummi allassimavoq, Greenland Airports-ip tankimi katersuivimmi misissugassanik tiguisarnissamut ruujorimik immikkoortumik pilersaaruteqartoq, imermit qatserutikumit misissugassat tassuuna misissoqqissaagassatut tiguneqarsinnaassallutik.

Imeq errortuutikoq Kommuneqarfik Sermersooq, avatangiisinut oqartussaasutut misissugassanik tiguisarnissamik aamma imermik errortuutikumik misissueqqissaarnissamik pisariaqartitsinnermik aalajangersaasussaq isumaqatigiissuteqarfigereerlugu iginneqartassaaq. Tamanna tunngavigalugu Kommuni kussinnermut, kuuffimmut allamut tigooqqaavimmulluunniit igitsinissamik innersuussisassaaq

Nalunaaruteqarnermi najoqqutarisat avatangiisinillu naliliinerit tassunga atorneqartut, avatangiisinullu naliliinnerut, ASN-imut nalunaarummi suliarineqartunut sanilliunneri tunngavigalugit Naalakkersuisoqarfik naliliivoq, suliassamut nalunaarut malillugu suliassaq nunami avatangiisinut imaluunniit avatangiisinut allanut (taakkununga naasut uumasullu, nipiliornerit, silaannarmik mingutsitsinerit, silap pissusii il.il. ilanngullugit) annertuumik sunniuteqassanngitsaq.

Suliassamut allannguutissat tunngavissat matuma siuliani taaneqartut tunngavigalugit avatangiisinut annertuumik sunniuteqartussaannngimmat, ASN-imut nalunaarut naapertorlugu suliassanut allannguutissat ASN-iliortussaataaffiussanngillat.

Tamanut saqqummiussineq aamma naammagittaalliornissamut ilitersuut ASN-imut nalunaarummi §§ 22 aamma 23 naapertorlugit Nunalerinnermut, Imminut Pilersornermut, Nukissiutinut Avatangiisinullu Naalakkersuisup aalajangiineq Namminersorlutik Oqartussat nittartagaanni www.naalakkersuisut.gl kiisalu nuna tamakkerlugu najukkanilu tusagassiutini tamanut saqqummiutissavaa.

Aalajangiineq avatangiisinik allannguutsaaliuinnermut inatsimmi³ § 60, imm. 1 naapertorlugu Avatangiisinik Illersuinissaq pillugu Maalaaruteqartarfimmut,

³ Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

ASN-imut nalunaarummi § 33 naapertorlugu Naalakkersuisunit pilersinneqartumut maalaarutigineqarsinnaavoq.

Avatangiisinik allanngutsaaliuinnermut inatsimmi § 60, imm. 2 naapertorlugu maalaaruteqarnissamut pisinnaatitaaffeqarput:

- Aalajangiiffigisaasoq
- Nakorsaaneqarfik
- Kikkulluunniit suliap inerneqarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut

Avatangiisinik allanngutsaaliuinnermut inatsimmi § 60, imm. 3 naapertorlugu maalaaruteqarnissamut piffissaliussaq sapaatit akunnerinik arfinilinnik sivilissuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Pinngortitamut, Avatangiisinullu Naalakkersuisoqarfik

Imaneq 1A

Postboks 1614

3900 Nuuk

E-mail: pan@nanoq.gl

Tamatuma kingorna Naalakkersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuinissaq pillugu Maalaaruteqartarfimmut nassiutissavaa. Tamatuma peqatigisaanik suliami akuusut suliami maalaarummik tigusaqartoqarnera pillugu ilisimatinneqassapput.

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik innarlitsaaliuinnermut inatsimmi § 60, imm. 4.

Avatangiisinik innarlitsaaliuinnermut inatsimmi § 63, imm. 1 naapertorlugu inuit tamat maalaarutaat piffissami Avatangiisinik Illersuineq pillugu Maalaaruteqartarfiup maalaarutaasinnaasunik suliaqarfiani atuuttusanngortitsisinnaanngillat, tamatumani Naalakkersuisut allamik aalajangiinnippata.

Piffissap maalaaruteqarfiusussap naanissaa sioqqullugu illuliassat sanaartugassallu aallartinneqassanngillat, tak. Avatangiisinik allanngutsaaliuinnermut inatsimmi § 64, imm. 1.

Aalajangiinerup nalunaarutigineqarneraniit qaammatit arfinillit qaangiutsinnagit
aalajangiineq eqqartuussivimmut suliakkiissutigineqarsinnaavoq, tak.
Avatangiisinik innarlitsaaliuinermit inatsimmi § 65.

Inussiarnersumik inuulluaqqusillunga



Natuk Lund Meire

Naalakkersuisoqarfimmi pisortaaneq

Pinngortitamut Avatangiisinullu Naalakkersuisoqarfik